



Manifest

Incö, dales cater domisdé di 10 de novëMBER 2018, a 100 agn dala fin dla 1^a vera dl monn, ch'á desdrüt desënes d'agn alalungia la zivilté europeica, n'orunse nia ma recordé la storia, mo tó indô instësc tles mans nosc futur.

Al é ora da realisé la impormetüda dl'Europa y da se recordé dl'idea de basa dl proiet de unificaziun.

I detlarun zitadins y zitadines dla Republica europeica dötës y düc chi che é te chësc momënt sön le teritore europeich. I nes surantolun la responsabilité de na arpejun universala dla detlaraziun di dërc umans y i impormetun dla trasformé finalmënter te na realté.

I se dun cunt dl fat che la richëza dl'Europa se basëia sön le sfrütamënt secolar di atri continënc y sön l'opresciun centenara de d'atres cultures. Porchël orunse partí nosta tera cun les medemes porsones che i un denant porcoré dala süa. Europeich é chël che ô le ester. La Republica europeica é ma le pröm vare devers na democrazia mundiala.

L'Europa di Stac nazionai n'é nia gnüda a s'al dé.

L'idea de n proiet de unificaziun europeica é gnüda imbanida.

Le marcé intern y l'euro é diventá na preda saurida de na ajënda neoliberala che é en contradiziun cun l'idea de na iustizia sozuala.

Porchël mëss les istituziuns europeiches surantó podëi por formé na monëda y n marcé unificá te na democrazia europeica unificada.

Ajache Europa ó dí: uní la jënt y nia integré i stac.

La sovranité dles zitadines y di zitadins tól ite le post dla sovranité di stac. I metun sö la Republica Europeica sön le prinzip dl'avalianza politica delá da nazionalité y proveniënza. I portadús costituzionai dla Republica Europeica é les cités y les regiuns.

Le de olache la pluralité culturala dl'Europa se desfalta te na unité politica é finalmënter gnü!

Le Consëi Europeich é destituí.

Le Parlamënt Europeich á le podëi legislatif.

Al lita n Govern Europeich che s'impegnëia por dötës les zitadines y düc i zitadins europeics zënza desfarënzies.

Viva la Republica Europeica!